

**« Հ Շ Ի Ր Ա Կ Ի Մ Ա Ր Չ Ի Գ Ե Ղ Ա Ն Ի Ս Տ Ի Հ Ա Մ Ա Յ Ն Բ ՈՒ Մ Ի Ր Ա Կ Ա Ն Ա Ց Կ Ա Ս Ծ Վ Ա Ր Չ Ա Կ Ա Ն
Հ Ս Կ Ո Ղ ՈՒ Թ Յ Ա Ն Ա Ր Դ Յ ՈՒ Ն Բ Ն Ե Ր Ի Վ Ե Ր Ա Բ Ե Ր Յ Ա Ն**

26.03. 2012թ.

գ. Գեղանիստ

Համաձայն ՀՀ տարածքային կառավարման նախարարի 2012 թվականի դեկտեմբերի 28-ի «Վարչական հսկողության 2013 թվականի աշխատանքային ծրագիրը հաստատելու մասին» թիվ 190-Ա հրամանի և ի կատարումն ՀՀ Շիրակի մարզպետի 2013 թվականի փետրվարի 27-ի «Հայաստանի Հանրապետության Շիրակի մարզի Գեղանիստի համայնքում վարչական և ֆինանսական հսկողություն իրականացնելու մասին» թիվ 16 կարգադրության, աշխատանքային խումբը մասնակցությամբ՝ ՀՀ Շիրակի մարզպետարանի աշխատակազմի ֆինանսական և սոցիալ-տնտեսական զարգացման վարչության ֆինանսատնտեսագիտական բաժնի պետ Լիպարիտ Մարտիրոսյանի /խմբի ղեկավար/, ՀՀ Շիրակի մարզպետարանի աշխատակազմի քաղաքաշինության վարչության ճարտարապետաշինարարական բաժնի գլխավոր մասնագետ Հուրիկ Մարտիրոսյանի /խմբի անդամ/, ՀՀ Շիրակի մարզպետարանի աշխատակազմի քաղաքաշինության վարչության տրանսպորտի և ճանապարհաշինության բաժնի գլխավոր մասնագետ Գագիկ Հարությունյանի /խմբի անդամ/, ՀՀ Շիրակի մարզպետարանի աշխատակազմի ՏԻ և ՀԳՄՎ վարչության ՏԻ և ՀԾՀ բաժնի առաջատար մասնագետ Նաիրա Մարտիրոսյանի /խմբի անդամ/, ՀՀ Շիրակի մարզպետարանի աշխատակազմի ֆինանսական և սոցիալ-տնտեսական զարգացման վարչության ֆինանսատնտեսագիտական բաժնի առաջատար մասնագետ Արմեն Հարությունյանի /խմբի անդամ/, ՀՀ Շիրակի մարզպետարանի աշխատակազմի հողաշինության և հողօգտագործման բաժնի /մարզային հողային պետական տեսչության/ առաջին կարգի մասնագետ Օֆելյա Մխիթարյանի /խմբի անդամ/, ինչպես նաև ՀՀ Շիրակի մարզի Գեղանիստի գյուղական համայնքի ղեկավար Աղասի Ղազարյանի, Գեղանիստի համայնքում իրականացրել է վարչական հսկողություն՝ 2010 թվականի մարտի 1-ից մինչև 2013 թվականի մարտի 1-ն ընկած ժամանակաշրջանի համար:

Վ Ա Ր Չ Ա Կ Ա Ն Հ Ս Կ Ո Ղ ՈՒ Թ Յ ՈՒ Ն

Վարչական հսկողությունը սկսվել է 2013 թվականի մարտի 5-ին և ավարտվել՝ 2013 թվականի մարտի 19-ին, որի արդյունքում պարզվել է հետևյալը՝

- 1) Համաձայն «Տեղական ինքնակառավարման մասին» ՀՀ օրենքի 16-րդ հոդվածի 1-ին մասի 1-ին կետի՝ համայնքի նորընտիր ավագանին ընդունել է իր կանոնակարգը /2012 թվականի դեկտեմբերի 18-ի թիվ 33-Ն/, սակայն որոշման վերաբերյալ արձանագրություն չի կազմվել:
- 2) Համաձայն «Տեղական ինքնակառավարման մասին» ՀՀ օրենքի 16-րդ հոդվածի 1-ին մասի 2-րդ կետի դրույթների՝ համայնքի նորընտիր ավագանին հաստատել է համայնքի 2012-2015թթ.զարգացման ծրագիրը/2012թվականի փետրվարի 20-ի արձ. թիվ 1/:Նշված որոշման վերաբերյալ արձանագրություն չի կազմվել:

Համայնքի զարգացման քառամյա ծրագրում նշված չեն հիմնախնդիրների նկարագրությունները, պահանջվող ֆինանսական միջոցները, ֆինանսավորման աղբյուրները, կատարման ժամկետները, ինչպես նաև ծրագրով նախատեսված թվով 7 ծրագրերից կատարվել է 1-ը, Մանթաշի ջրամբարից խմելու նոր ջրագծի կառուցման, ներհամայնքային ճանապարհների բարեկարգման և վերանորոգման, միջնակարգ դպրոցի հիմնավոր վերանորոգման, մշակույթի տան և գրադարանի հիմնանորոգման, մանկապարտեզի և բուժկետի կառուցման աշխատանքները չեն իրականացվել:

- 3) Համաձայն «Տեղական ինքնակառավարման մասին» ՀՀ օրենքի 16-րդ հոդվածի 1-ին մասի 3-րդ կետի դրույթների՝ համայնքի ավագանին 20.12.2010թ. թիվ 2, /արձ. թիվ 8/, 13.12.2011թ. թիվ 27/արձ. թիվ 7/ և 18.12.2012թ. թիվ 38/արձ. թիվ 6/ որոշումներով հաստատել է համայնքի 2011, 2012 և 2013 թվականների բյուջեները:

Համայնքի ավագանին 16.02.2011թ. թիվ 5 և 20.02.2012թ. թիվ 1 որոշումներով հաստատել է համայնքի 2011 և 2012 թվականների բյուջեների կատարման տարեկան հաշվետվությունները: Իսկ 2013 թվականի բյուջեի կատարման տարեկան հաշվետվությունը հաստատելու մասին որոշում համայնքի ավագանին չի կայացրել: Առանձին որոշումներին կամ կցված չեն նշված իրավական ակտով հաստատված առանձին բաղկացուցիչ մասերը՝ հավելվածները կամ դրանցում նշված չեն բյուջեի կատարման /եկամտային և ծախսային մասեր/ թվային տվյալները /20.02.2012թ. թիվ 1/:

Համայնքի ավագանու 18.04.2011թ. թիվ 8, 20.10.2011թ. թիվ թիվ 19, 20 և 23.01.2013թ. թիվ 1 որոշումներով համայնքի բյուջեներում կատարվել են փոփոխություններ:

Որոշումները չեն համապատասխանում «Իրավական ակտերի մասին» Հայաստանի Հանրապետության օրենքի 40-րդ հոդվածի 4-րդ մասի և 43-րդ հոդվածի 1-ին մասի դրույթներին, համաձայն որոնց՝ իրավական ակտում փոփոխություններ նախատեսող իրավական ակտի վերնագրում բերվում է փոփոխվող իրավական ակտի կրճատ անվանումը, իսկ իրավական ակտում փոփոխություն նախատեսող իրավական ակտում՝ տրվում է իրավական ակտի լրիվ անվանումը:

- 4) Համայնքի ավագանին «Տեղական ինքնակառավարման մասին» ՀՀ օրենքի 16-րդ հոդվածի 1-ին մասի 4-րդ կետով սահմանված կարգով համայնքի բյուջեի կատարման նկատմամբ վերահսկողություն չի իրականացրել:

Համայնքի ղեկավարը խախտելով «Տեղական ինքնակառավարման մասին» ՀՀ օրենքի 69-րդ հոդվածի և «Հայաստանի Հանրապետության բյուջետային համակարգի մասին» ՀՀ օրենքի 35-րդ հոդվածի 1-ին մասի պահանջները՝ համայնքի բյուջեի կատարման վերաբերյալ եռամսյակային հաղորդումներ չի ներկայացրել ավագանու քննարկմանը:

Նշված ժամանակահատվածում համայնքի ղեկավարը համայնքի բյուջեի կատարման վերաբերյալ եռամսյակային հաղորդում ավագանու քննարկմանը ներկայացրել է ընդամենը երկու եռամսյակի համար /12.07.2010թ. թիվ 1/արձ. թիվ 4/ և 18.04.2012թ. թիվ 6/արձ. թիվ 2/:

Վերոնշյալ ժամանակահատվածում համայնքը վարկեր չի ստացել: